

والله يهدي من يشاء الى صراط مستقيم

A stylized, high-contrast black and white illustration of a complex, abstract shape, possibly a letter or a decorative element. The shape is composed of several interconnected, angular forms. On the left, there is a large, curved, hook-like shape. To its right, a smaller, more intricate shape features a central diamond-like pattern with internal lines. The overall composition is dynamic and geometric, with sharp angles and smooth curves.

١٣٣٠

اشرف ارباب

اتبعون اهدكم سبيل الرشاه

18

اسرار قرآن

مال کریبی

هانی ، سزلر برینی اولدورمه شده بزیریکزک اوزرینه
آمشدیکز ؛ حال بوکه الله سزک صاقلامقده اولدیفکزی
میدانه چیاره جقدی . ایشته بونک اوزرینه (قاتلک میدانه
چیمسی ایچون) ، اینکک اعضاسندن بریله مقتوله اوروکرا ،
دیدک . (اولو جانلانه رق قاتل خبر ویردی .) جناب حق
بویله جه اولوکزی دیر یلتیر و ، بلکه عقلکزی باشکزه آلیرسکز
دییه ، سزه قدرت وعظمتنک آباتی کوسترد . بوندن صکره

سینہ یورہ کلریکز قاتلا شہرق طاش کبی، حتی دھا قاتی کسیدی۔
چونکہ اویلہ طاشسار وارد رکہ ایچندن نہرلر فیشقیر، اویلہ
طاشسار وارد رکہ یاریلوب سینہ سندن صولر چیقار، اویلہ
طاشسار وارد رکہ خشیت الہیہ دن طولای (بولوندینی یوکسک
موقعدن) دوشوب یو وارلانیر۔ جناب حق سزک بویاید قمر کزدن
هیچ بر زمان غافل دکلدیر۔

بوايت كريمده جناب حق مرتكبي طرفندن اخفا اولنان جناتي
 اظهار و مرتكبي حقنده اجراي قصاص اولنسي ايجون حضرت موسايه
 وارد اولان امر الهي بي بيان ايتكمده در . مفسر لر بو آيتك تفسير ي
 سددنده يهوديلردن بريك ، سرد ايتدكلري بر طاقم اسباب مختلفه يه
 بناء عمجه سني اولدورديكني و بشقه بريره نقل ايتكمكه كنديسني جناتيدن
 ثبره ايتكم ايسسته ديكني ، فقط بو محله نك اهالي سي وقعه دن خبردار
 اولنجه حضرت موسايه شتاب ايدرك بو جناتي ارتكاب ايده ني جناب
 حقك اظهار ايتسني طلب ايتدكلريني ، حضرت موسانك بونلره براينك
 كسمه يي امر ايتديكني ، بونلركده درلو درلو عنادلرده بولنديني ،
 ييغمبزلريله استهزا ايتدكلريني ، مع مافيه حضرت موسانك بونلره اينكي
 كسيدرنجه يه قدر اوغراشديني ، نهايت اينك كسيلا كدن صكره اونك

برپاچه سیله مقتولک ضرب ایدلیدیکی و بونک قیام ایدرک « فلان بی اولدوردی » دیدیکی قید ایدرلر .

مفسرلرک بوصدده سویلدکلری سوزلرک خلاصه بی بودر . بوندن بشقه برچوق روایات و تفصیلات درمیان ایدرلرک بونک هیچ برنده محدثدن اثر یوقدر .

متفکرلردن بعضیلری ایسه یالکز قرآن کریمه باقله آنتفا ایدرک وارد اولان خرافاتی قطعاً نظر اعتباره آلازلر . بونلر قرآن کریمی ، حق قبالانک کوندردیکی ، باطلدن منزله برکتاب مبین تلقی ایدرلر و عبارات قرآنی دن آنجق مقصود اولان معانی بی استخراج ایدرلر . ایشته بونلرک بوآیت کریمه حقنده کی نقطه نظرلری شوندن عبارتدر : آیت کریمه نك سیاق و سباقندن آکلاشلدیغنه نظر آ بی اسرائیلدن بری اولدورلمش ، بونک اوزرینه بی اسرائیل نزد موسایه کلهرک هربری جنسای دیکرینه آتمق ایسته مش ، حضرت موسی بی اسرائیلک بو خصوصتی کورمش ، بو خصوصتک آره سنده قاتلک کیم اولدیغی آکلامش ، وارتنکاب ایتدیکی جنایتک جزاسی کورمسی امر ایتمش .

کوریلدیورک بو حادنه طولایسیله جناب حق بی اسرائیله قصاصی تشریع ایلشدر .

هربر قاتلندن انتقام آلتیمان مقتولی هدر اولمش عد ایدرلر ، حالبوکه قصاصی آلتان مقتوللری یاشایورمش کی تلقی ایدرلر . عرب شامری دیرک :

ويذهب بينها المرئي لغوا كما القيت في الدية الحوار

بوندن آکلاشیلورک جناب حق ، بی اسرائیلک حایه ارواحی ایچون ارتکاب قتل ایدنلری قتل ایله تجزیه ایدلر بی تشریع یویوردرق بر لطف الهیده بولمشلردر .

حضرت موسی قاتلک قتل امر ایدنجه بو حادنه ذکر اولسان جانی ده جزای سزاسنه اوغرادی . بویله جه مقتولک قانی هدر اولمادی . آیت کریمه ده بو جهته « كذلك يحيي الله الموتى » قول کریمله اشارت اولومقده در .

آبتک صوکنده « ویریکم آیاته لعلکم تعلقون » بیورلمسی ده بو معنای خفیاً اشعار ایتمکده در . چونکه جناب حقک تشریع بیوردینی

حکم معقول و مقبول اولماسه هر کسک قانی محافظه اولنماز ، معصوملر امن و امان ایچنده یاشامازلردی . بوسایه ده مقتولک قانی مطالبه ایدنلر قاتلندن ، یا خود منسوب اولدینی طائفه دن انتقام آلمق هوسنه دوشمزلر ، بالعکس بو صورتله اجرای قصاص ایله کینلر سوزر و هر کس عبرتین اولور .

جناب حق بو صورتله هر کسی ظلم و هداوت ساقه سیله قتلک عاقبتندن تحذیر بیورمش . فقط یهودیلر بو آیات بیناتی و حکم الهی بی کوردکلری حالده مقتضیات عقله مخالفت ایتشلر ، هریشی اونوشلر . یورکلر ، طاشلر کی قالیلاشمش . فقط طاشلر ایچنده اویله لری وارک ایچندن نهرلر فیشقیرر ، اویله لری وارک یازیلوب سینه سندن صولر چیقار ، اویله لری وارک خشیت الهی دن دوشوب یووارلانیلر .

طاشلرک جاداتدر ، حس و ادراکی یوقدر . فقط قوانین الهیه اتقید ایدر . بر قانونی نقض ایتمز . کیمک ایچندن نهرلر فیشقیرر ، بیکارلر آقار . کیمکی هوایه آنجه قانون الهی به اطاعة اونی مرکزینه جذب ارضک اوزرینه دوشر .

بی اسرائیل ایسه جناب حق اونلر اراده و تفکرک آلتی اولان عقلی ، کندی امرلرینه کوره حرکت ایدن اعضایی احسان بیورمش ، اونلر ایدم جکلری یولی کوسترمش ، اینی کوتی بی ، حق باطلی تمیز ایتمش اولدینی حالده نه اللهک امرینه اطاعت ایتشلر ، نه ده عقللر بی ، اعضالری حسن استخدام ایتشلردی .

شاید بونلر اللهک احبا و ابناسی اولدقلرینه کووه نیورلرسه نزد الهیده اک یقین اولانلر اک تقی اولانلردر . یوق ، اکر یابدقلری کناهلری کیزلیجه یابدقلری ظن ایدیورلرسه جناب حق بونلرک یابدقلرندن هیچ بر زمان غافل دکلد .

بونلرک آیات الهیه بی تأویله قالدیشمه لری نه یه یارار ؟ بونلر جناب حقک صور و ظواهره دکل ، قلوب و مقاصده باقدیغی بیلمیورلری ؟ الله اعلان حرب ایدن بر قومک طوغرو یولده کیتمی قایلیدر ؟ اصلاً . ایشته جناب حق « افنطمعون » آیت کریمه سیله بوکا اشارت بیورمقده در .

عبدالعزیز چاویش

